



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 1. Quid dicendum de prodigis, & pupillis?

[urn:nbn:de:hbz:466:1-73045](#)

Tract. in Lib. III. Decretal. Quæstio XIII.

252

1068

Not. autem Regulares, *solenniter professos esse incapaces, suo personam particularis, nomine, celebrare contractus; cum in persona particulari sua non sint capaces dominii, ut dicitur c. non dicatis. 12. q. 1. c. Cum ad monasterium, de statu Monachorum, ibi: Prohibemus quoq; districte, in virtute obedientia, sub obtestatione divini iudicis, ne quis Monachorum aliquid proprium possideat.* Et infra: *Quod si proprietas aliqua apud quemquam inventa fuerit, in morte ipsa cum eo in signum perditionis extra Monasterium in sterquilino subterretur.* Trid. sess. 25. c. 2. Secundum etiam probatur ex iisdem capitibus, & authentica ingresso. c. de sacrofancis Eccles. *Ingressi monasteria in ipso ingressu se, suaq; dedicant Deo;* nec ergo de his testantur, utpote nec Dominirerum. Possunt tamen, nomine communis, de licentia sui superioris, ut fuse diximus lib. 2. tit. 2. Tales sunt, qui mittuntur aliquo ad negotia peragenda, vel qui versantur in studiis, & non est facilis recursus ad superiorem. Item Regulares beneficiati, habentes liberam administrationem fructuum sui beneficii; ejeci ex Religione; & probabile est, quod hi validè contrahant, sive in res licitas, sive illicitas expendant. Item Commendatarii sive uxores habeant, qui etiam testari possunt; sive non habeant, quales sunt Melitenses, & Ordinis Teutonici: Sitamen, licet contrahere possint cum licentia, tamen dominium non acquirunt sed totus ordo. Sic doctissimus P. Paulus Rosmer in tr. de Contractib. §. de causa efficiente contractum, mihi fol. § 2. Sed de his per diversos titulos pro qualitate materiae in ibi subjectae, quoad causas particulares agimus.

1069

Altera quæstio est de Clericis, non Regularibus. Nam circa istos variae quoque dubitationes sunt. 1. an stare possint in judicio pro rebus suis? vel sua Ecclesiae? 2. an fiant Domini redditum Ecclesiasticorum? etiam superfluvorum, & congrua sustentationi redundantium? 3. an de his licite disponant ad causas profanas? 4. an sine onere restitutio- nis? 5. an de illis licite donent inter vivos, vel causa mortis? 6. qualiter testari possint de bonis patrimonialibus, aut quasi? vel etiam Ecclesiasticis preventibus? 7. an licite, ac validè cele-

brent renuntiationes beneficiorum in favorem tertii, vel cum certa reservatione? 8. quid possint circa alienationes rerum Ecclesiae? 9. an recte paciscant super his, quæ danda sunt pro functionibus spiritualibus, sepulturae, expensarum funeralium, dicendi tot mis- sis &c. &c. Ad 1. v. remissivè ad l. 1. decret. tit. 1. ad 2. affirmativè nunc communiter respondent Neoterici cum Rosmer cit. §. De Clericis; sed contra- riū tradidi in tr. Theol. de Jure, & Just. q. 7. de Dominio Clericorum. n. 354. ad 3. ibidem à n. 333. cum communi respondi negativè. Ad 4. ibidem n. 339. respondi, probabiliorem esse op- ionem affirmativam. Ad 5. constabit ex tit. 24. de donat. Ad 6. ex tit. 26. de te- stamentis, hoc lib. Ad 7. ex lib. 1. tit. 9. de renunciatione: & lib. 5. tit. 3. de si- mon. Ad 8. ex tit. 13. hic ad 9. ex lib. 5. tit. 3. de simon. & infra hic ex tit. 28. de sepulturis; his præmissis.

§. 1.

*Quid dicendum de prodigiis,
et pupillis?*

D E his plura generaliter diximus l. 1. 1070
tit. 36. de pactis. à n. 2822. ex com-
muni regula, quod pacisci, seu contrahe-
re possint omnes, nisi natura, vellege
prohibeantur. Cum autem prodigiis bo-
norum suorum administratio interdicta
sit, ut constat ex ff. tit. de Curatoribus
furios: &c. Sequitur eorum contractus,
sine Curatoris autoritate celebratos, in
quantum eis nocent, nec valere; nec
eos inde etiam naturaliter obligari,
quamvis sciens aliquem esse prodigum,
& tamen cum illo contrahens, posset illi
obligari, ut dicitur L. 6. ff. de V. Q. ibi:
*Is, cui bonis interdictum est, stipulando si-
bi acquirit, tradere vero non potest, vel
promittendo obligari: & ideo nec fidejussor
pro ea intervenire poterit.* In quæstione
autem, cum quis appareat prodigus, sit
ipso jure illi bonorum administratio in-
terdicta, an solum post decretum Judi-
cis? et si aliqui affirment primum, è qui-
bus Fachinæus l. 2. Controvers. c. 64.

Receptior tamen est contraria sen-
tentia, decretum requiriens, post agnitio-
nem

nem causæ; quam sequitur Zoësius in ff. l. 27. tit. 10. ne scilicet contingat aliquem temerè hac notâ aspergi; quò respicere videtur L. 10. ff. de Curat. ubi, ut non teneat alienatio prodigi, requiriatur, *ut ei bonis sit interdictum*; hoc autem frustra exigeretur, si esset ipso jure; quod confirmatur ex L. Patri 2. ff. de Minorib. ubi dicitur: *vita adolescentis inspicienda, & ex ea iudicandum, an debeat ei bonis interdici*, quod ipsum est facti, & Magistratus, non etiam ulterius officii. Eodem spectat desiderata ibi causa cognitio, quæ facit non ipso jure rem perfici; sed per Prætorem L. *Vbicunque 103. inf. De R. J.* Est autem *prodigus*, qui dat, quibus non oportet, ut adulatoriis; & plus quam oportet; ut, cùm magnis expensis facit, quod parvis fieri potest. In jure est, *qui neque tempus, neque finem, neque modum expensarum advertit. sed bona dilapidando, & dissipando profundit.* L. 1. ff. de cur. fur. Inter prodigos, & furiosos, quidam assignant hoc discrimen juridicum, quod furiosis simili atque incepert furere, mox ipso jure agnati sint Curatores; Prodigis autem non sint prius Curatores, quam ipsis à Judice bonis sit interdictum.

1072 Quod attinet ad pupilos, notandum, plures esse gradus ætatis, secundum quos aliqui dicuntur esse *infantes pupilli, minores majores, &c.* Olim Servius (ut vide. re est apud Gellium l. 10. c. 28.) distribuit ætatem in tres gradus, scilicet pueritiam, juventutem, & senectutem; *pueros*, minores annis septemdecim existimavit, eosque (ab anno decimo septimo usque ad quadragesimum sextum) *juniore*s supra cum annum, *seniores* dixit. Hanc ætatis divisionem amplectitur Ulpian. L. *cum y § modus.* ff. de transact.

1073 Ceterum, plures ætatis gradus, ex Imperatorum legibus, & Juris-Consulorum responsis reperimus. Nam *infantia* (seu infantilis ætas) de qua meminit Pompon: L. *si infantis.* ff. de usufr. in septimum usque annum porrigitur; inde *pupillaris ætas* (alio nomine pueritia) in fæminis, ad duodecimum; in maribus, ad decimum quartum producitur. L. *AEmilius* ff. de minor. Finita ætate pupillari, incipit *puberitas*, in quam incurrit prætextati ætas, cuius meminit

Ulpian. L. *de inde.* §. *fin. ff. de lib. exhib.* Nam, usque ad decimum septimum annum, pueri ingenui prætexta induebantur, & post hoc tempus virili mutabant. Hinc pupilli, & impuberis pro invicem sumuntur; à pubertate autem spectato jure communi, usque ad vigesimum quintum, dicuntur puberes, seu *minoris*, vel *minorennes*; deinceps autem *majores*; quamvis pro diversitate locorum minorenitas quandoque citius finiatur.

Ab anno 18, septem continuos (nimisrum usque 25.) adolescentiae attribuunt. Certè omnis appellatur *minor*, ante 25. annum. Puberem atatem excipit iridis, quæ anno 25. inchoatur; & exinde *virilis vigor* appetit, & perficitur: talis ætas modò appellatur *justa*; modò *robusta*; modò *constans*; modo *legitima* vocatur. Marcellus L. *non aliter.* ff. de legat. 3. hujusmodi atatem appellat *juventutem*. Existimari (inquit) posset juvenis is, qui adolescentis excessit atatem, quod incipiat inter seniores numerari; sic Pereyra in Elucidario à n. 1164. Quibus præmissis:

De pupillis Doctores communiter tradunt, pupillum sine Tutoris autoritate, posse *sibi alterum civiliter obligare*; non autem *obligari alteri*, ex §. placuit. Instit. de authorit. Tutorumibi: *placuit, meliorem quidem suam conditionem licere pupillis facere sine Tutoris autoritate, deteriorem non posse.* 2. pupillum infantiae proximum ex contractu sine autoritate Tutoris, nec naturaliter obligari, ut colligitur ex §. 10. Instit. de inutilibus stipulat. ibi: *Sed quod diximus de pupillis utique de iis verum est, qui jam habent aliquem intellectum.* Nam infans, & quæ infantiae proximus est, non multum à furioso distat; quia, hujusmodi ætatis pupilli, nullum habent intellectum, sed, in proximiis infantiae, propter utilitatem eorum, benignior juris interpretatio facta est, ut idem juris habeant, quod pubertati proximi. Sed qui in potestate parentis est impubes, ne authore quidem Patre obligatur.

3. Pupillum, pubertati proximum, & minorenem, ex alienatione bonorum immobilium, vel etiam mobilium pretiosorum, quæ servando servari pos-

1074 **1075**
Li 3 sunt,

254 Tract. III. in Lib. Decretal. Quæstio XIII.

sunt, nec naturaliter obligari, ex L. 4. C. de prædiis minor. ibi: non solum per venditionem rustica prædia, vel suburbana, pupilli, vel adolescentes alienare prohibentur; sed neque transactionis ratione, neque permutatione, & multo magis donatione, vel alio quoquo modo e transferre, sine decreto à domino suo possunt. Et L. 15. C. eod. ibi: si minor 25. annis prædium rusticum, cum aliud deberes, sine decreto in solutum dedisti, dominium à te discedere non permittit senatus consuli autoritas. 4. contra pupillum nec civiliter, nec naturaliter obligari ex contractu tum suo Tutori inito sine consensu aliorum Contotorum per L. 46. ff. de contrah. empt. ibi: non licet ex officio, quod administrat quis, emere, vel per se, vel per aliam personam.

1076 Difficultas autem est 1. an contractus à jure simpliciter irritati, sic censantur irritari, ut nec naturaliter, seu in conscientia obligant? 2. an quamvis contractus pupillorum sine Tutoris autoritate celebrati ipso jure sint irriti saltem civiliter illos eximant etiam ab obligatione naturali, seu in conscientia?

1077 Ad 1. & remissive, pacta, vel contractus, qui ceteroquin jure naturali verè subsistunt, & validi sunt, cum jure humano infirmantur, non sic universum infirmari, quin inducunt obligationem naturalem; ita tradidi lib. 1. tit. 36. à n. 2606. dixi, non universum propter quosdam causas exceptos, inibi relatios à n. 2609. Ad 2. non est eadem Doctorum opinio; nam aliqui simpliciter dicunt, eos non eximi ab obligatione naturali; alii, non eximi, siinde diriores facti sint: Secus à contrarium; vult ergo ista sententia ultima, pupillos ex contractu sine Tutoris autoritate celebrato naturaliter, non tantum civiliter obligari, quando inde lucrum habent; consequenter ejusmodi contractus in casu, quo pupillo contrahenti non sunt lucrosi, vel saltem damnosí, à jure simpliciter irritarisi, ut pupillum nec naturaliter obligant.

1078 Obligari naturaliter in casu lucri probatur ex L. 5. ff. de auth. Tut. ibi: Sed & cum Solus Tutor mutuam pecuniam pupillo dederit, vel ab eo stipuletur, non erit obligatus tutori: naturaliter tamen obligabitur, in quantum locupletior factus est: Nam in

pupillum non tantum tutori, verum cuivis actionem, in quantum locupletior factus est, dandam, Dicimus Pius rescripsit. Hæc autem actio non est propriè civilis, & directa; sed potius utilis, & ex privilegio per L. 3. ff. Comodati, ibi: Sed mihi videtur, si locupletior pupillus factus sit, dandam utillem commodati actionem secundum Divi Piis rescriptum. Quamvis pupillus, pubes factus, etiam civiliter obligari possit Tutori. L. 1. ff. de contraria Tutelæ actione.

Non obligari etiam naturaliter extra casum lucri, veluti est cum damno, & consequenter ejusmodi contractus esse simpliciter irritatos, probatur 1. ex hoc, quia prodigus nec naturaliter obligatur ex contractibus à se factis sine autoritate Curatoris, si non est inde locupletior factus; quia in jure comparatur furioso; sed etiam pupillus in his contractibus comparatur furioso. L. 29. ff. de Condit. indebit. ibi: In his personis (nempe pupillo, & furioso) generaliter repetitioni locum esse non ambigimus: & si quidem extant nummi, vindicabuntur; consumptis verò conditio locum habebit. Deinde si pupillus naturaliter obligaretur, solvendo debitum, vel dando mutuum verè transferret ejus dominium, cuius oppositum constitutum est. §. 2. Instit. Quib. alienare licet. ibi: Si mutuam pecuniam, sine Tutoris autoritate, alicui dederit, non contrahit obligationem; quia pecuniam non facit accipientis; 3. pupillus mutuam pecuniam accipiendo, ne quidem jure naturali obligatur, L. 19. ff. de 4, quod pupillus sine autoritate Tutoris stipulanti promisit, solverit, repetitio est, quia nec naturā debet. L. 41. ff. de Condit. indebit.

Contrarium tamen sentiunt Sanchez. 1079 lib. 6. de matrim. D. 38. à n. 36. & plures alii, pariter adductis in contrarium legibus, quibus intendunt evincere, pupillum, etiam ex contractibus sibi non lucrosis, naturaliter obligari; & respondent ad priores leges, inde solum probari, obligationem efficacem, seu jure non infirmabilem, ex ejusmodi pupillorum contractibus, non nasci, & cum dicatur, solum, ex tali contractu, posse repetere, quia nec naturā debet, intelligi, infirmato contractu per restitutionem in integrum, qua subvenitur talibus propter ætatis imbecillitatem. Inter alias probationes utinam

tur etiam hac: quodocunque fidejussor obligatur, necesse est, quod principalis saltē naturaliter obligetur; non principali autem nullo modo obligato, non tenetur fidejussor. L. 46. ff. de fidejussoribus: sed fidejussor pupilli obligatur ex L. 35. ff. de Recept. qui arbitri. ibi: *Si pupillus sine Tutoris auctoritate compromiserit, non est arbiter cogendus pronuntiare, quia si contra eum pronuntietur, pæna non tenetur, præterquam si fidejussorem dederit, à quo pæna peti possit.*

1080 Ex istis opinionibus, inter se oppositis, videtur omnino dicendum, pupillum naturaliter obligari ex contractu sine Tutoris auctoritate celebrato, si inde factus sit locupletior; id, quod recte probatur supra an. 1077. in casu autem, quo non est factus locupletior, nec obligari naturaliter, videtur omnino probabile ex rationibus factis loc. cit. Ceterum magis placet, nec istos contractus à jure simpli- citer sic irritari, ut nec naturaliter obligent, si seclusa juris dispositione tenuis- sent jure naturæ; id, quod suadet ratio priori numero relata; nec leges in contrarium adductæ tales sunt, quæ præva- leant. Nam comparatio *prodigi*, & *pupillum furioso* non tenet in omnibus; hic enim censetur agere sine rationis usu, turbae ex furore, quod non militat in aliis; quod autem dicitur, quod pupillus non transferat dominium, procedit de transla- tione *firma*, nec jure irritabili; & quamvis ei repetitionem solutijura concedant, intelligitur per *Judicis auctoritatem*, qua contractus infirmetur;

Conceditur enim, ne quidem jure naturali obligari, obligatione firmâ. Quod vero respondent Contrarii ad rationem ex obligatio- ne fidejussoris, videtur gratis dici, Fidejussorem in Contractibus pupillorum esse *principalem*; hoc enim est contra ratio- nem *fidejussori*; cùm ejus obligatio so- lum substituatur obligationi alterius, pro quo cavit; at ubi nulla est, id fieri non potest.

1081 Nec obstat L. 26. ff. de Fidejussorib. dici, *fidejussori pro pupillo, prodigo, vel furioso, non subveniri*; hoc enim solum probat, negari ei legale auxilium, quod illis alioquin concessum est; non autem exinde probari, tali casu fidejussorem esse *principalem*; unde negatur obligari

fidejussorem in casu, quo illi nec naturaliter obligantur, saltem obligatione in- firma, seu irritabili juris dispositione. Similiter gratis dicitur, legem, quæ dicit fidejussorem non obligari, nec naturaliter obligato principali, debere intelligi *regulariter*, nimis quando principalis nec juris privilegio foret exceptus ab obligatione naturali; nam hujus limitationis ratio nulla est; cum etiam haeres pupilli, ex contractu, per hunc sine Tutoris auctoritate inito, dicatur obligatus. L. 95. §. 2. ff. de solutionib. quod tamen di- ci non possit, nisi pupillus, cui succedit, naturaliter obligatus esset.

§. 2.

Quid possint Minores, & Filii familiæ?

IN hac re distinguendum est inter bona minorum, quorum administratio illis jure, vel consuetudine est adempta, ad- ministrationis jure translato in Curato- rem; & quorum concessa. Quoad illa respondeatur de Minoribus contrahenti- bus sine auctoritate Curatoris, qualiter diximus esse dicendum de pupillis con- trahentibus sine auctoritate Tutoris. Quoniam autem quandoque contingit, minores aliquos carere Curatore, & in- ter eorum bona quædam sunt, non tan- tum immobilia, sed etiam mobilia, & haec in duplice specie, quæ nimis pre- ciosia sint, & servari possint; quædam sc- eas, illa vero nec Tutoris consensu alienari possint sine decreto Judicis (ut ha- betur L. 22. C. de administrat. Tutor. & Curat. ibi: *principimus itaque, ut ha- comnia* (preciosa scilicet, quæ Servando ser- vari possunt) *nulli Tutorum, vel Curato- rum liceat vendere, nisi forte hoc necessi- tate, vel lege &c.*) ideo in hac mate- ria plures quæstiones fieri possunt.

Prima est, an sine Curatoris auctoritate possint contrahere, & alienare bona castrensa, vel quasi, si Curatorem ha- bent? 2. si Curatorem non habent? 3. an indigent consensu Curatorum, ut possint obligari realiter? 4. an ut perso- naliter. Ad 1. posse, ubi habent eo- rum administrationem liberam, quod pendet ex diversa locorum consuetudi-

MC.